

تفاصيلي

بنخطف م الحياة لحظة نعيشها نبين الفرحة
على وشوشنا نبان قصاد الناس بتفاصيل تانية
ملامح ناطقة بالضحكة عيون عشماتة بالجنة
قلوب للحب تتمنى ودا آخرنا
سيبو الحياة تمشي خلو الحقيقة تبان
الحزن له وقته قبلاش يكون إدمان
الحزن مش هيدوم خلي الأمل إنسان
وبلاش تعيش مهموم الفرح يوم هيبان
وبكل تفاصيله ملناش أمل غيره
الليل وأسراره ونجومه وسكونه
والنجمة لساها فاكرة اللي كان كله
شاهدة على غنانا والوقفة ف المطرة
والجو مبيشتيش لكن دموع فرحة
كات أقوى من المطرة وبرضو كات مطرة
لما انت سبتيني سامحيني يا عيني
الحب مش كدبة وأنا برضو مش كذاب
أنا بسرد الإحساس بكتب حقيقة ناس
بكتب وعن نفسي ماهو برضو أنا إنسان
وهو ده اسمي ودي برضو تفاصيلي
والحبر ع الورقة يعكس دموع عيني
إنت اللي مبتقراش سيرك خلاف سيرتي
قلبك مهوش بيتي مسكن فلان غيري
وجعي صديق قلبي وقلمي ده لسانه
نطق بصوت عالي اهجر بقي زمانه
واسمع لصوت وجعك شمر هدومك

واسرح بروحك ف الشتاء واغسل همومك
وارمي وراك الذكريات المؤلمة حزن الوداع
قلب إنت هو وفجأة باع
إنسان وموهبته الخداع
خلي المطر ولا الدموع تغسل ذنوبك كلها
خلي الشتاء يمسح ماضيها بحلوها وبمرها

مش مطر

إلي بينزل م السما
أو م السحاب مش مطر..
دي دموع وجع قلوب حزينة
وخبث الآه والألم..
خبث دموعها م البشر
طلع الألم على شكل سحابة وغيمت
حلقت لتروي كل الفرحانيين من حزنها
وف وقتها والعمر لحظة م الحنين
والجو فارش سكتة وحلة وطنين
وف موسم الأحزان
تبان الدمعة لو كات من حجر
والعين دي لو كانت بصيرة
كنا رضينا بالقدر
كنا فهمنا إن اللي نازل م السماء
ده مش مطر
دي دموع لناس مش فرحانيين